

Zeitschrift: Annalas da la Societad Retorumantscha
Herausgeber: Societad Retorumantscha
Band: 90 (1977)

Artikel: Rapport dil cussegl da scola
Autor: Candinas, Theo
DOI: <https://doi.org/10.5169/seals-232657>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 01.04.2026

ETH-Bibliothek Zürich, E-Periodica, <https://www.e-periodica.ch>

Oscar Sonder

A Salouf ei morts ella vegliadetgna da mo 44 onns Oscar Sonder che ha en sia veta onz cuorta prestatu per la publicitad e per nies lungatg romontsch fetg bia. Suenter las scolas dil liug ha O. Sonder frequentau la scola purila da Flawil ed ei daventaus pur. Il giuven pur ei spertamein vegnius clamaus en divers uffecis publics ch'el ha administrau da maniera exemplarica, denton era ella suprastanza dalla Uniung rumantscha da Surmeir, nua el ei staus il protocollist. A caschun dallas festivitads «50 onns URS» han ins surdau agli l'organisaziun che ha funcziunau da maniera oreifra.

Sur Giusep Willimann

Cun mo 57 onns ha igl uost digl onn 1976 il plevon da Lantsch priu cumiau da sia raspada. Sur Giusep Willimann ha surviu gl'empren sco pastur dallas olmas a Stierva (1945—1951), suenter ha el ademplier quella missiun a Lantsch — tochen sia mort. Sper la lavur per ina pleiv buca leva eis el seprestaus culturalmein d'ina maniera exemplarica. Pil romontsch ha il defunct giu bia danvonz ed el ei adina staus prompts da surprendre ina lavur. Duront onns eis el staus il redactur dalla Pagina da Surmeir, lu ha el scret e translatau teaters, scret giugs auditivs pil radio e per la televisiun romontscha, denton eis el era sefatschentaus cun problems dall'ortografia romontscha.

Rapport dil cussegl da scola

Nus lein numnar entgins datums d'impurtonza e skizzar en cuortas tratgas igl andament da nies Seminari da mussadras per tener sil current il lectur da quest rapport.

L'entschatta da fenadur han 14 scolaras concludiu la scolaziun cul diplom da mussadra romontscha. Quei suenter ina scolaziun intensiva da dus onns che cumpeglia 4 practicums en scoletta, in practicum social e divers cuors che surveschan alla formaziun professiunala.

Il niev onn da scola stat sut l'enzenza da transiziun. Sora Florentina ei ida, dunna Ursi Nigg-Jemmy ei vegnida. Ella ha surpriu il pensum da scolasta da metodica cun la pusseivladad da seluvrar el pensum da vegnenta directura. In grev pensum, sch'ins sa ch'ella ei giuvna dunna e mumma d'ina pintga famiglia e continuescha dasperas il studi da pedagogia curativa.

Ils 6 da settember 76 ein 10 scholaras novas entradas plein anim e promptadad. Essend che dunna Ursi ha saviu entscheiver il pensum per igl october, eisi buca stau pusseivel da realisar cumpleinamein il plan d'instrucziun tenor urari. Cun in «cuors d'emprem agid», daus da dunna Bösch, ed in tal per la tgira d'affons pigns, tenius da dunna Angelina Schnoz, vein nus saviu emplenir eumpau las largias. Plaunet ha l'instrucziun priu il decuors regular, e las empremas conturas dil cuors niev han entschiet a sefar. Dunna Ursi sco scolasta da metodica, Meinrad Vincenz, magister da psicologia e Peter Hinnen dalla scola da dunnauns e mattauns sco magister da pedagogia han beinprest formau in trio che para da sviluppar ideas fritgeivlas per la formaziun dallas mussadras. Ina emprema conferenza da scolasts dils 17 da november emprova d'empunir il fil cul vargau e trer il facit alla midada. Ins ei generalmein perschuadius ch'ei setracta d'in cuors zun activ e dinamic che basegna denton ina guida beinponderada.

Per sontga Clau han las scholaras organisau ina serada, alla quala tut ils scolasts ein stai envidai. Cheu han ins saviu seperschuader tgei ch'il spert da cooperaziun d'in marighel scholaras sa prestar.

En quei connex eisi da dir in plaid davart igl internat da nies seminari en Casa Romontscha: Giuvna Heidi Cathomen, mussadra en la scoletta d'exercezi, fa duront il di mumma da casa per igl internat. Ella ha da procurar per igl andament dil menaschi ed ei responsabla per igl internat en in rom zun vast. Da principi ein las scholaras autonomas e guverneschan sesezzas enteifer las normas dadas. In experiment che involva ina certa resca. Ina resca denton che sto reussir dalla buna vart sche las premissas da confidanza vicendeivla ed il senn da responsablidad ein dai da mintga maun. E quei para dad esser il cass.

Denton essan nus arrivai cun nies rapport alla risteina d'in onn da gestiun dalla Ligia Romontscha mo buca d'in onn da scola. Nus lein pia buca surpassar las stagias, schebi ch'ei dess aunc fetg bia da rapportar tochen al datum current. En in onn vegnin nus a dar plaid e fatg pli detagliadamein davart ils resultats d'ina perioda da transiziun che sto haver siu temps per seconsolidar ad ina fuorma precisa.

Nus lein buca concluder senza exprimer il dui engraziament a tut ils gidonters che han operau per la buna formaziun da nossas mussadras. In special Dieus paghi s'auda a Ser Leo Reinalter che ei sortius dil Cussegl da scola cun la fin digl onn solar. El ha fatg part da quella squadra cun gronda savida e premura dapi ils 71. Per successur ha la suprastanza dalla LR destinau Ser Luzi Battaglia. Ad el schein nus in cordial beinvegni e sperein a buna cooperaziun.

Per il cussegl da scola LR
Il president: Theo Candinas